



# MEULEUDIGUEZ

AR

**MERC'HET HAC AR GRAGUEZ,**

PE RESPONT

**DA CHANSON POLTRET AR MERC'HET**

**HAC IMPERFECTION AR GRAGUEZ,**

COMPOSET

**EVIT RENTA JUSTIÇ D'AR VIRIONEZ.**



Var ton Chanson an Arc'hant.



**C'**HOUI piou benac voe qen hardi da zrouc comz eus  
ar merc'het,

En ur chanson nebeut poli, deut d'am selaou, me ho pet;  
Mont a ràn da guemer difen ar penn-œuvr eus an natur :  
Credi a ràn em bo rêson dirac qement a so fur.

En eur gomposi ar son-mâ, ne drempin qet va fluen  
Nac er vestl, nac en huellen, m'en assur a dra certen :

Ar virionez, hep netra qen, a gunduo gant rêson  
Va speret da renta justiq da rouanez ar galon.

Ha possubl ve e vez cavet un den qen disqiantet  
Da gredi scrifa en enep ar graguez hac ar merc'het!  
Penos e vet bet qen hardi da garga a zefautou  
Ur sex pini na dle receo ñemet peb meuleudiou!

En ur jardin e ve guelet ros, fourdilis ha levant,  
Hac a bep seurt fleuriou charmant hac a so meurbet  
brillant,  
Ha ma qever en o zouës ur blanten ne ve qet mat,  
Arabat eo o zamal oll, se ne ve qet delicat.

O sex caret dre ar bed oll, rouanes hor c'halonou,  
Deurvezit recco an hommach a rentàn d'ho meritou.  
Biqen na elfen ho meuli qement hac a veritet;  
Mes, mar plich ar chanson-mâ dêc'h, e vin eurus bras  
meurbet.

Da guenta tout, sonjomp ervad piou e deveus hor ganet,  
Piou a soignas hon oad qenta, piou e deveus hor maguet,  
Piou a ziscas demp-ni bale, comz, hac hor soigni nos-de,  
Hac a voe qer carantezus evidomp hed e bue?

Ul lezen demeus an natur hon doug atao da garet  
Ar vam dener e deveus bet epad nao mis hon douguet,  
Hac epad an termen hir-se, nac a sourci e devoe  
O clasq conserv ar froues tener demeus e oll garante?

Neuze pa e deveus ganete c'hrouadur, gant poan vras,  
E mâ nos-deiz ouz er soigni, rac na repos mui, siouas;  
E speret hae e daoulagad so bepret var e buguel,  
So qer coantic en e gavel, ma sonchet e zeo un El.

Pini e zeo ar guer qenta a brononç ar buguel-màn?  
Ma n'en deo qet ar guer tener, ar gomz meurbet douç  
maman?

Ea e joayou, en e boaniou e vam guès a a hanv bepret,

Ar pez a so ur merq patant deus e garante barfet.

Gant pebes soign ha pez douçder, pa vemp clàn var  
ar goele,

E clasq ur vreg hor soulagi! n'en deo oll nemet ene.

Un adres ar vrassa e deus hac un êr qer delicat,

Mar qemeromp demeus e dorn qement a ro, fall pe vad.

Guelit en e bugaleach, peurvuia ur botrezie,

Bepret e vezo occupet o c'hoari tieguezic.

Ur boupinen so eviti an dra ar preciusa :

E dorioti a ra evel ur vam e buguel amâ.

Ar merc'het a so tamallet evel pennou avelet;

Mes ha n'eller ivez rebech ar memes tra d'ar voaset?

Nac a voaset so intourdi vel m'eo ur giroueten,

Hac a dro da hep seurt avel, qer scàn ha ma zeo o fen!

Petra a gaver en ur plac'h a verit ar rebechou?

Ha n'en deo qet enni e rên ar gaerdet hac ar graçou?

Ha n'en deo qet ar merc'het eo ar penn-œuvr eus un Doue?

Perac neuze clasq defaultou en objet ar garante?

Mar teu daoulagad ar merc'het d'ho talla ouz o zellet,

Vel a ra an eol beniguet, pa ve reir amzer fixet,

N'o sellit qet gant reattach, mar santite reont d'êc'h poan,

Mes tec'hit ha pellaît prompt, n'ouffec'h ober re vuan.

Mar deo monstrou an oll merc'het, evel a blich  
d'êc'h laret,

Penos oc'h eus ar sotoni d'o c'hlasq ha d'o darempret?

Dont da garout, da cherissa un dra a so dangerus,

A so certain ur follentez, ha na verit nep excus.

Anzavit oll gant güiriones, ha n'oc'h eus qet lavaret

Ur veach benac pa vijeç o tarempred ar merc'het,

E ranferment an oll guenet, e voant caer, e voant brillant

Evel ma velomp da greiz-de an eol bars ar firmamant.

O zal a voa hanval buec demeus a volz gaer an ee,

O daoulagad diou stereden , ar boneur a voa enne ;  
 O diou chod rus voa ur parter , carguet a ros hac a lys ,  
 O dent a voa diou renq perles demeus ur guender esqis.

Songit mad p'en devoe Doue crouet, d'e c'hrat ar vaoues,  
 E cavas qer caer e labour, mar teuas crenn da baoues ;  
 Rac dre m'en devoa e formet evel e œuvr ar c'haera ,  
 E falvezas dezàn repos goude ober ur seurt tra.

Ur plac'h yaouanq , fur ha modest, so ornamant ar  
 bed-mâ ,

Rouanes an oll fleurennoù , ur rosen eus ar gaera ;  
 E furete a so hanval demeus ar fourdilisen ,  
 E douçder a represant demp simpldet ar violeten.

Coulz eo beza en un desert evel beza assamblat ,  
 Ma na vez qet en hon toues ur certen nombr a verc'het.  
 Me lavar hac a lavaro penos neus nep plijadur  
 Elec'h ma vanq ar sex charmant, güir ornamant an natur.

Bezomp oll eta evite e peb amzer respet bras ,  
 Ha na laromp diouz ar merchet nemet vad e peb seurt cas.  
 Rac dont da zrouc comz dioute, neo qet fêt un den galant :  
 O meuli hac o enori a dleomp assuramant.

O sex ! objet va c'harantez , recevit va meuleudi ,  
 Heb doc'h neus neb boneur er bed, qement so eo melconi ;  
 Mes evit tremen ar vuez, ma eller dêc'h-hu plijout ,  
 Assur e vezor evurus : ennes eo ar c'henta tout.

Guelit amâ un den yaouanq , pa vez oc'h ober al lez,  
 Na gav nep seurt contantamant nemet etal e vestrez.  
 Nos ha deiz e mâ o sonjal er boneur en devezo  
 Er moment a evurustet ganti ma en em gavo.

Piou a zisq d'ur buguel pedi, pa goumanç da gozeal ?  
 Ha n'en deo qet ar vam dener gant eves dreist ordinal ?  
 Oll momentchou eus e bue so consacret d'e buguel :  
 Hac evit e savetei eo prest atao da vervel.

Lennit gant soign vad peb histor a so a viscoas scrifet  
 Hac e velot traou burzudus rapportet var ar merc'het.  
 Re hor be da zont d'o scrifa, rac abusi a rafemp  
 Deus a vadelez hor c'haner, ar pezh ne felse qet demp.

Ne gomzìn nemet a ziou vreg demeus a guær Mon-  
 troulez;

Pere ra ar brassa enor da bep plac'h, da beb maouez :  
 An itron eus a Rosampoul hac ar plac'heus ar ru Vras,  
 O devije bet grêt certen o baro da veur a voas.

Anzavit eta, oll goaset, e zeo trec'h dêc'h ar merc'het,  
 Hac ec'h ellont, e peb amzer, beza dêc'h oll preferet.  
 Mes bezomp oll just ha leal : tout hon eus hon defautou,  
 Ha tachomp prest d'en em ornî demeus a bep vertuziou.

Sperejou du, melconius a gavo da lavaret  
 Abalamour ma soutenàn qement all caus ar merc'het.  
 Mes lezit-e da lavarât, me a gred a dra certen,  
 E vezo contant ar merc'het dre ma teuàn d'o souten.

Guelit memes ar vodesti deus ar merc'het en daouçou,  
 Bepret etrezec an douar e zeo fixet o zellou.  
 An douçder, an humilite a so bepret o fartach,  
 Rac se, anzavomp oll, goaset, e tleomp dê peb hommach.

Nan, na eller nemet gounit e compagnunes merc'het,  
 Peb dereadeguez atao a zisqer d'o darempret;  
 Me gomz amâ en general; rac mar deus unan benac  
 A verit blam, goas evite, devinout a rër perac.

Ne gomzàn nemet a verc'het demeus o sex an enor,  
 Pere, eus ar societe, a ra ar c'haera decor.  
 Int eo a dileomp da veuli a galou hac a speret,  
 Rac meritout mad a reont demeus hon pers peb respet.

Hac én a so ur stat tristoc'h eguet chom hep dimezi?  
 Na gaver nep contantamant, na santer nemet anui.  
 Evit souten poez ar yuez, dimezi a so guelloc'h :


Pa voar daou o touguen ur sam e vez cavet calz scàn voc'h.

Mes, neo qet a voalc'h dimezi; ret eo ivez sonjal mad,  
Ober boneur ho pried qer, dre bep soign, dre bep seurt stat;  
Sonjit mad en amzer eurus ma voac'h oc'h ober al lez,  
Hac e vezot meurbet contant atao epad ho puez.

Caer ho pezo cavet abec ha caqetal ar merc'het,  
Me ho quelo un deiz benac o tonet d'o zarempret;  
Neuze, douc evel un osnic, c'houi lavaro d'ho mestres:  
Va c'halonic qez me ho car hac ho caro da james.

Qent dont da achu va chanson, e reqetan ouz Doue  
Evite oll peb seurt boneur etro pado o bue  
Prosperite, contantamant, anfin tout o desiriou  
Ha dreist oll ma vezint ornet demeus an oll vertuziou.

FIN.



## CONSTANÇ DAOU C'HALANT SEPARET

*Var un ton anavezet.*

**B**RASSA chagrin var ar spèret  
A oufe biqen beza,  
Eo caret ha beza caret,  
Ha rancout dispartia :  
An diou galon a vez mantret,  
Flag o diou e tizec'hont;  
Caer o deus beza separet,  
En em garet a rancout.

Resista oc'h ar garantez  
A zo control d'an natur,  
Nep ne zelaon qet e mouez

7

A zo ur monst' a dra zur.  
Hi a so certen ar guenta  
Eus a lezennou ar bed :  
Petra dâl sonjal resista ?  
Mestres e vezo hepret.

Ar c'hoajou z'o d'al lapouset,  
D'an dour eo ar rivierou ;  
Ar mor bras a zo d'ar pesqet ;  
Ar firmamant d'an astrou ;  
Va c'halou zo d'ar garantez ,  
Evit caret emeus-hi ,  
Me zant hac a gleo e mouez ,  
Senti a rancân outi.

Nep a garân var an douar  
Am c'har-me ive d'e zro ;  
Biscoas ne meus bet ar glac'bar  
D'e guelêt ur vech e dro.  
Hon daou e zomp atao contant  
Evel an durzunellet ,  
Ha neus qet c'hoas bet en instant  
Na vemp-ni en em garet.

Un destin, var a lavarer,  
A so o regli peb tra ;  
En a ra hirio hor boneur,  
Varc'hoas hor chagrin vrasa.  
An destin cruel ha barbar  
En deus hon dispartiet ;  
Mes, en despet d'hon oll glac'bar,  
Fidel oump atao chomet.

Leusqet en deus, en e arrach,  
E oll vinim da redet,  
Hac e clasq pilat hor c'hourach  
En deus en guell cimantet.

Destin ebet , en assurance ,  
 Ne doro hor c'harantez :  
 Mont a rai hor perseveranc  
 Qeit a ma zay hor buez.

Lezomp an destin pretantet  
 Da uza e oll ardou ;  
 Lezomp an arne egaret  
 Da ober e c'hoariou ;  
 O daou e zint qer variant ,  
 Na oufet fiziout enno ;  
 Mes hor c'harantez so constant :  
 Netra james n'e zoro.

En em garet en honestis  
 Hon eus great a dra sur ,  
 Ila tremen gyê hor yaouanqis ,  
 Ha gant calz a blijadur.  
 Ral eo bremâ m'en em velomp ,  
 Abaoue hon disparti ;  
 Evel ato en em garomp ,  
 Mes hep en em frecanti.

Cooust a ra da vouir mignonet  
 Ober ur seurt disparti ;  
 Evit deomp ezeo coustet ,  
 ▲ ellomp da asuri.  
 Mes na gollomp qet a fiziane  
 Ni a en em gavo c'hoas ,  
 Hac a zisquezo hor c'honstanc  
 Partout evel a biscoas.

F I N.

---

E Montroulez , e ty LÉDAN , e traon ru ar Vur.